

AD LECTOR. PRÆFATIO.

num diagrammata, quæ ad perspicuitatē per-
magnam vim habent, paulo ficerunt amplio-
rem. Quid consecutus sim judicabunt periti:
de adjectis libris quædam dicam.

Figuratorum doctrinam, quam tertio Ari-
thmeticæ suæ libro habuerat olim, editione no-
vissima P. Ramus prætermisit: non quod nul-
lam putaret esse oportere, sed quod eam Geome-
triæ, ut palam est ad c. 9. e. 4. libri includere co-
gitaret. Ubi judicium hoc suum quinque argu-
mentis confirmare nititur, quibus nos in expli-
catione loci istius satisfecimus, docuimusque,
Græcos & Latinos in numeris figuratis ante
Geometriam docendis nihil ὑσεγον ἀεγτεγον co-
natos esse. Est enim numerus figuratus etiam
Algebra natura prior, Algebra autem Geome-
tria, ut testantur cum doctrina, tum ejus infi-
nita exempla, non modo apud P. Ramum, sed
etiam apud Diophantum. Itaq; qui Algebra
cognoscere studet, hoc est qui Arithmeticam
perficere atq; absolvere cogitat, figuratorū ante
omnia doctrinam debet adipisci. Nobis igitur
nulla temeritate ad hanc partem Martenostro
(ut dicitur) restituendam adductis, figuratus
primum simpliciter consideratur, tum ab abso-
luto numeratus. Simplex figuratus definitur
primo elemento primi capitis, tum expositis ge-

